



Sámi allaskuvla

Sámi University of Applied Sciences

OAHPPOPLÁNA

Filbma buvttadeapmi

Sámi ja álgoálbmot muitalusat filmmaid bokte

10 oahppočuoggá

1. Oahpu namma

Sámegillii: Filbma buvttadeapmi: Sámi ja álgoálbmot muitalusat filmmaid bokte

Norsk: Filmproduksjon: Samisk og urfolks historiefortelling gjennom film

English: Film Production: Sámi and Indigenous Storytelling through Film

2. Oppalaš diedut oahpu birra

- Oahppoovttadaga koda: JOU 181
- Viidodat: 10 oahppočuoggá
- Oahpu lágideapmi: Oahppu lágiduvvo oahppobáikkis Sámi allaskuvllas ja Internašunála Sámi filbmainstituhtas. Interneahtta sáhtta geavahuvvot sihke oahpahusas, bagadallamis ja sisabuktimiidda.

3. Oahpu gullevašvuohta

Fága dohkkehuvvo doarjjafágan Sámi journalistihka bachelorprográmmas ja sáhtta dohkkehuvvot oassin eará bachelorprográmmain.

JOU 146 Filbmaoahppu ja dokumentára buvttadeapmi (25 oč) oahpus lea 10 oč fágalaš látnjalasvuohta JOU 181 fágain.

4. Sisabeassangáibádusat

Dábálaš sisabeassangáibádusat alitoahpahussii. Sisabeassanvuoddu sáhtta leat juogo oppalaš lohkanangelbbolašvuohta (čadahan joatkkaskuvlla/logahaga/gymnása) dahje reálagelbbolašvuohta. Dasa lassin gáibiduvvo sámegielmáhttu.

Ohcci galgá leat čadahan JOU 180 Sámi ja álgoálbmot muitalusat filmmaid bokte: giehtačállima álgooahppu (10 oč), dahje sus galgá leat dohkkehuvvon giehtačáluš filbmii. Jus ohcci ii leat čadahan JOU 180, de bidjá giehtačálloša mielddusin ohcamii ja dat árvoštallojuvvo Sámi allaskuvllas sisaváldima oktavuodas.

Sámegiela gáibádusa sáhtta deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámegiela gáibádusa sáhtta maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvoštallamii ja meannuduvvo dán vuodul.

5. Oahpahusgiella

Oahpahusgielat leat davvisámegiella ja eŋgelasgiella, muhto skandináva gielat sáhtta geavahuvvot. Oahpahus eanjalgillii ii dulkojuvvo. Studeanta galgá bastit lohkat eŋgelasgielat girjjálašvuoda, čuovvut ja oasálastit ságastallamiidda eŋgelasgielat logaldallamiin.

6. Sisdoallu

Studeanttat galget oahppat filbmet ja ráhkadit filbmamuitalusaid.

Dán oahpus studeanta váldá atnui buot filbmema teknikaid (govvet, čuohppat ja jietnabarggu) ja ráhkada filmma vaikko guđe šáŋŋeris, man guhkkodat lea eanemusat 10 minuhta. Studeanta galgá čájehit filmmainis ahte lea ožžon vuđolaš ipmárdusa filmma kreatiiva ja praktihkalaš bargguide, ja ahte iešheanálaččat ja ovttas eará studeanttaiguin nagoda alla fágalaš dásis čadahit ja válbmet filbmabuvttadeami mearriduvvon áigemearis.

Dán oahpus ohppet studeanttat mo filbmáarvalusas dahje ideas sáhtta bargat dassái go filbma gárvána. Sii čállet mánušiid ja ráhkadit storyboard. Ohppet geavahit kámeraaid ja makkárat leat filbmenstiillat. Studeanttat maid ohppet daid ođđaseamos čuohppanrusttegiiguin bargat ja gárvet buktagiid dahje filmmaid mearriduvvon áigemearis.

7. Oahppanjoksosat

Máhttu ja diehtu:

Studeanta

- ádde álgoálbmot mitalanárbevieruid ja movt dáid geavahit filmmas
- ádde giehtačállosa dehálašvuoda
- ádde filmma visuála giela
- ádde filmma čuohppanteknikaid

Gálggat:

Studeanta

- máhtta geavahit dihtorčuohppan- ja jietnaprogrammaid
- máhtta geavahit Movie Magic programma filbmabuvttadeami plánemis, ráhkadit beaiveplánaid, bušeahta, ja válljet filbmenjoavkku
- máhtta rátkit giehtačállosa buvttadeapmái (Movie Magic-programmain)
- máhtta geavahit kámerateknihkaid filbmemis
- máhtta čuohppat filmma

Oppalaš gelbbolašvuolta :

Studeanta

- Máhtta iešheanálaččat ráhkadit oanehis filmma
- Oahppá plánat filmbarggu, máhtta ráhkadit filmma buvttadanplána ja bargat dan mielde

8. Oahpahan- ja oahppanvuogit

Studeanta galgá álgoálbmot geahčestagain hálddašit buvttadan- ja govvenplánaid čállima, govvema , visualiserema kámara bokte, čuohppama ja filmma ollislaš buvttadeami. Oahpus fállat bagadallama, árvvoštallama ja čuovvolemiid.

9. Gáibádušat beassat eksámeniid

Studeanta galgá ráhkadit filmma buvttadanplána ja govvenplána, govvet ja editeret filmma lohkanbaji áigge. Studeanta ferte oasálastit unnimusat 80% lágiduvvon oahpahussii.

10. Eksámen

Eksámen lea praktihkalaš filbmabargu mainna studeanttat barget olles lohkanbajis. Filbma sáhtá leat vaikko guđe šáŋŋeris ja filmma guhkkodat lea eanemusat 10 minuhta.

Árvosániit addojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide.

11. Leago privatisttain vejolaš váldit dán oahpu?

Ii leat.

12. Kvalitehtasihkkarastin

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/ geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Oahpu fágalaš kvalitehta mii guoská oahpahussii, oahppoplánaide, lohkanbadjeplánaide ja eksámenii, guorahallojuvvo Sámi allaskuvlla kvalitehtasihkkarastinvuogádaga mielde.

13. Lohkanmearri

Lohkanmearri dohkkehuvvo sierra.